

ISUMAQATIGIISSUMMUT TAPILIUSSAQ 2023

Savalimmiut Naalakkersuisuisa aamma Kalaallit Nunaata Naalakkersuisuia apeqquutit aalisarnermut tunngassuteqartut pillugit Isumaqatigiissutaat
27. maj 1997-imeersoq

1. 2023-mi Savalimmiut aalisarnikkut oqartussaaffigisaanni kalaallit aalisarsinnaanerit

Ammassassuarnik atlanto-skandiskinik Savalimmiunut pisassiissutaasunit Savalimmiut Kalaallit Nunaat 6.500 tonsinik aalisarsinnaanissaannik tunissavaa. Annertussutsit taakku, tamanna kissaatigineqassappat, Savalimmiut aalisarnermut oqartussaaffigisaani kalaallit aalisarsinnaassavaat Savalimmiunullu tulaallugit. Savalimmiut imartaani aalisarneq titarnerniit tunngavinniit 12 sœmilit avataannut 62°30'N-illu avataanut killilerneqarpoq. Pisassiissutit nunat tamalaat imartaanni kalaallit angallataannit aamma aalisarneqarsinnaapput.

Savalimmiut Kalaallit Nunaata Savalimmiut imartaanni saarullernanik 18.500 tonsinik aalisarsinnaanissaanut piginnaatippaat.

1.1 Savalimmiut killeqarfiani saarullernanik Kalaallit Nunaata aalisarsinnaanera

NEAFC-p 2023-mut saarullernanut tunngatillugu malittarisassiai innersuussutigalugit, Savalimmiut kalaallit angallataasa 2023-mi Savalimmiut imartaanni saarullernanik 7.342 tonsinik aalisarsinnaanerannik piginnaatitsivoq.

Savalimmiut aalisarnikkut oqartussaaffigisaanni saarullernat NEAFC-mi pisassiissutigineqartut kalaallit umiarsuaannit aalisarneqarpata, tamanna Savalimmiut Aalisarnermut Nakkutilliiviannut aamma Kalaallit Nunaanni Aalisarsinnaanermut Akuersissutinik Nakkutilliisoqarfimmuut pisanik nalunaaruteqarnermi immikkut ittumik ilisimatitsissutigineqassaaq.

2. 2023-mi Kalaallit Nunaata aalisarnikkut oqartussaaffigisaani Savalimmiormiut aalisarsinnaanerit

Savalimmiormiut Kalaallit Nunaata avannaata kitaata avataani qaleralinnik 100 tonsinik aalisarnissaannik Kalaallit Nunaata pisinnaatippai.¹ Kilisaatersorluni aamma/imaluunniit ningittakkanik aalisartoqarsinnaavoq. Aalisarneq Kalaallit Nunaata kitaani 68°00'N-ip avannaani pisussanngorlugu killilerneqarpoq.

Savalimmiormiut Tunup avataani qaleralinnik 325 tonsinik, saarullinnik^[2] 2.500 tonsinik tinguttuunillu 375 tonsinik aalisarnissaannik Kalaallit Nunaata pisinnaatippai. Saarullinniarnermi tinguttoorniarnermilu Savalimmiut saniatigut pisisuukkanik nataarnanik 50 tonsinik pisassinneqarpoq.

Tunup avataani qaleralinnik 325 tonsinik, saarullinnik 350 tonsinik tinguttuunillu 80 tonsinik aalisarnermi killilersuisoqarpoq, Savalimmiut aalisariutaat kilisattartut aamma/imaluunniit ningittagarsuutit amerlanerpaamik pingasut ataatsikkut aalisarsinnaallutik.

Tamatuma saniatigut Savalimmiormiut Tunumi misileraalluni saattussanik aalisarnissaanut Kalaallit Nunaata pisinnaatippai. Saattussat annertunerpaamik 500 tonsit pisinneqassavaapput.

¹ Kalaallit Nunaata kitaani Savalimmiormiut qaleralinniarnissaannut piumasaqaatit ilanngussami 3-mi nassuiarneqarput

Kalaallit Nunaata taakku saniatigut Savalimmiut Tunup avannaani misileraalluni saarullinniarnissamut ilaatigullu natersiortunik allanik peqataanissaanik akuersissummik tunissavaa Naalakkersuisut sinaakkusiusaasa atuuttut iluanni.

3. Isumaqatigiissuteqartut aalisarnikkut oqartussaaffigisaminni illugiillutik misileraalluni aalisarsinnaanerat

Isumaqatigiissuteqartut akunnerminni imartami aalisarnikkut oqartussaaffigisaminni misileraallutik aalisarsinnaanertik isumaqatigiissutigaat.

Misileraalluni aalisarnissat aaqqissuunneqartut aalajangersimaqqissaartut pisassiissutinik paarlaannertut taaneqassanngitsut isumaqatigiissuteqartut isumaqatigiissutigaat. Taamaalilluni aaqqissuussinerit siunissami pisassiissutinik paarlaasseqatigiittarnissamik isumaqatigiissutinik tunngavissanik pilersitsissanngitsut piumasaqaatigineqarpoq.

Savalimmiuni Naalakkersuisut aalisarsinnaanermut akuersissutinik nakkutilliisoqarsinnaanermut aamma Kalaallit Nunaanni Naalakkersuisut paasissutissanik katersinissamut piumasaqarsinnaanermut imminnut pisinnaatipput. Misileraalluni aalisarnermit paasissutissanik katersineq angallatinit imaluunniit aalisarsinnaanermut akuersissutinik nakkutilliisunit suliarineqassapput. Paasissutissanik katersorneqartunik taama tulleriisillugit Savalimmiuni Naalakkersut aamma Kalaallit Nunaanni Naalakkersuisut akornanni paarlaasseqatigiittoqartassaaq.

Angallatip allattaaviani paasissutissat kiisalu misileraalluni aalisarnermit nalunaarusiat misileraalluni aalisarnerup qaangiunnerani taama tulleriisillugit Savalimmiuni Naalakkersuisunut aamma Kalaallit Nunaanni Naalakkersuisunut nassiuunneqassapput.

4. Irmingerip Imartaani suluppaakkat²

2022-2024-mi Irmingerip Imartaani suluppaakkanik aalisartoqannginnissaa pillugu NEAFC-p naalagaaffiit sineriallit siunnersuutaat naapertorlugu aalajangiinera isumaqatigiissuteqartunit iluarineqarpoq, kisiannili Irmingerip Imartaani imartanilu qanittuaniittuni suluppaakkat aqunneqarnerat pillugu piffissami pineqartumi NEAFC-mi peqataasunit tamanit isumaqatigiittoqannginnera ernumanarsoraat. Sivisuumik attanneqarsinnaasumik aaqqiinerit, tassa ilaasortat tamarmik aalisarnermut peqataasut aqutsinissamut pilersaarummut ataatsimoorussamut ilanngunnissaat ilaasortat ataatsimoorlutik anguniarusuppaat.

4.1 Irmingerip Imartaani suluppaakkat amerlassusaannik naatsorsuinerit

Isumaqatigiissuteqartut Irmingerip Imartaani suluppaakkat amerlassusaannik nunat tamalaat naatsorsuinerannut peqataaqatigiinniarnissaq anguniassallugu isumaqatigiissutigaat. Isumaqatigiissuteqartut aalisakkat pillugit misissuinerit allanut siuarsaanissamut suleqatigiissapput.

5. NAFO-mi sumiiffimmi 3M-imi (Flemish Cap-imi) raajat

Sumiiffimmi 3M-imi raajarniarneq 2023-mi matoqqassasoq isumaqatigiissuteqartut paasisimavaat. 3M-imi raajarniarneq ammaqqissappat, isumaqatigiissuteqartut aalisarnissamut periarfissat illugiilluni atorneqarnissaat pillugit oqallinnerup nangeqqinnissaanut piareersimapput, taannalu tullinnguuttumi nassuiarneqarpoq:

² "Shallow pelagic *Sebastes Mentella*" aamma "Deep pelagic *Sebastes Mentella*".

”Savalimmiormiut pisariaqartitsilissagunik Flemish Capimi ullunik aalisarfiusussanik taarsigassarsiumasinnaanerannut Kalaallit Nunaat piareersimassaaq. Savalimmiut nammineerlutik Savalimmiuni aalisakkanik aalisanngisaminnik Kalaallit Nunaata atorluaasinnaaneranut ammaniarpoq.

Ullunik aalisarfiusunik atukkiineq siunissami ullunik aalisarfiusussanik agguaassinissamut sunniuteqassanngilaq.”

6. Savalimmiut Kalaallit Nunaata imartaani ammassanniarsinnaanerit

Kalaallit Nunaat ammassannik amerlanerusunik tunineqassappat, Savalimmiut Umiarsuaatileqatigiiffiisa peqatigiiffiat ilunaaruteqarluni nuussisinnaaneq pillugu ilisimatinneqassaaq.

Savalimmiut Islandip imartaani ammassattassaasa 50 %-ii Kalaallit Nunaata imartaani aalisarsinnaavaat. Aalisariutit nalunaarutaanni (pisanik nalunaaruteqarneq) allassimassapput aalisarnermi pisat EU-mik isumaqatigiissummeersuunersut, Islandimut pisassiissutaanersut pisassatut pisaaanersulluunniit.

7. Kalaallit Nunaata sineriaata qanittuani tunisineq

Kalaallit Nunaata sineriaata qanittuani saarullinniarnermi pisat nunami aalisakkeriviit malinnaasinnaajunnaartillugit amerlavallaalerpata, umiarsuit aalisakkerivillit Savalimmiuneersut tunitsivilinneqarsinnaapput.

Taassuma saniatigut Kalaallit Nunaata misissussavaa Savalimmiut aalisariutaat Tunumi aalisakkerivinnut tunisisinnaanersut.

8. Pisat pillugit paasissutisseeqatigiittarneq

Kalaallit Nunaanni Aalisarsinnaanermut Akuersissutinik Nakkutilliisoqarfik Savalimmiunilu Aalisarsinnaanermut Akuersissutinik Nakkutilliisoqarfik Kalaallit Nunaata Savalimmiullu imartaanni pisassiissutininit siuliani taaneqartunit pisat pillugit imminnut ilisimatittarnissamut pisussaaffeqarput. Tamanna atuupportaaq Kalaallit Nunaat sumiissuseq apeqqutaatinnagu ammassassuarnik atlanto-skandiskinik pisaqarpat. Nalunaarutit marlungornerit tamaasa sumiiffimmi nalunaaqutaq malillugu kingusinnerpaamik nal. 16:00 nassiunneqartassapput.

Nalunaarutit Kalaallit Nunaanni Aalisarsinnaanermut Akuersissutinik Nakkutilliisoqarfimmut mailikkut , GFLK@nanoq.gl,-mut faxikkut +299 34 63 60-mut aamma Arktisk Kommandomut (AKO) fko-ktp-a-fio@fiin.dkm nassiunneqassapput.

Kalaallit Nunaata aalisariutai aalisakkanik qerisunik Kitaani pisanik Savalimmiuni nuussiniarunik usingiarniarunilluunniit, tamanna pillugu sioqqutsilluni nalunaaruteqaaqassaaq.

Kalaallit Nunaata Savalimmiunit oqartussanik eqqortunik Kalaallit Nunaannut 2023-mi ataatsimiigiaqqusinnissaa isumaqatigiissuteqartut isumaqatigiissutigat, tassanilu Savalimmiut qarasaasiakkut nalunaaruteqartarnerit pillugit nunat marluk akornanni isumaqatigiissut nunanut allanut atortakkani saqqummiutissavaa kiisalu qarasaasiakkut nalunaaruteqartarnerit pillugit Kalaallit Nunaannik isumaqatigiissuteqarnissamut periarfissaasorisani saqqummiutissallugit. 2023-mi

isumaqatigiissuteqartut aappaata imartaani aalisarnermi atatillugu pisat ingerlatallu pillugit elektroniskimik paasissutissanik avitseqatigiinnermik misiliiniarput.

9. Nunat immikkoortuini aalisartut kattuffiisa suleqateqatigineqarnerat

Isumaqatigiissuteqartut isumaqatigiissutigaat nunat immikkoortuini aalisartut kattuffii immikkut sinniisoqartinneqarnissaat sulissutigissallugu.

10. Suleqatigiinneq

Isumaqatigiissuteqartut isumaqatigiissutigaat nunat taakku marluk aalisarnermut suliffeqarfiisa akornanni iluanaaruteqarnerulernissamut suleqatigiilernissaannut kaammattussallugit. Tassunga atatillugu isumaqatigiissuteqartut isumaqatigiissutigaat suleqatigiinnerup allartinnginnerani aalisarsinnaanermullu akuersissutit tunniutinnginnerini oqaloqatigeeqaassallutik.

11. Tunngavissatut isumaqatigiissut nutaaq

Savalimmiut Kalaallit Nunaatalu akornanni aalisarneq pillugit apeqqutit pillugit tunngavissatut isumaqatigiissut nutaap 2023-mi suliarineqarnissaa Isumaqatigiissuteqartut isumaqatigiissutigaat, taassumalu Savalimmiut Naalakkersuisuisa aamma Kalaallit Nunaanni Namminersornerullutik Oqartussat akornanni isumaqatigiissummut 27. maj 1997-imeersoq taarsissavaa. Tamanna pillugu isumaqatigiinniarnert sapinngisamik allaqatigiinnikkut videokkullu ataatsimiinnikkut pissapput.

12. Isumaqatiginninniarnertullissaa

Isumaqatigiissuteqartut isumaqatigiissutigaat nunat illugiillutik isumaqatiginninniarnert tullinnguuttut novembarip naanerani decemberilluunniit aallartinnerani 2023-mi pissasut. Piffissaq sumiiffillu kingusinnerusukkat isumaqatigiissutigineqarumaarput. Isumaqatiginninniarnert Kalaallit Nunaat qaaqqusisuusaaq.

13. Akuersissuteqarneq

Isumaqatiginninniarnert angusat oqartussanut pineqartunut saqqummiunneqassapput taakkulu inaarutaasumik akuersissuteqarnissaat apeqqutaassallutik.

København, 30. november 2022

Savalimmiut sinnerlugu

Kalaallit Nunaat sinnerlugu

Andras Kristiansen
Immikkoortortaqarfimmi pisortaq
Aalisarnermut ministeriaqarfik

Katrine Kærgaard
Immikkoortortaqarfimmi pisortaq
Aalisarnermut Piniarnermullu
Naalakkersuisoqarfik

Savalimmiuni Naalakkersuisut

Namminersorlutik Oqartussat

**Ilanngussaq 1 uunga Savalimmiut Naalakkersuisuisa aamma Kalaallit Nunaanni
Namminersorlutik Oqartussat akornanni aalisarneq pillugu isumaqatigiissutaannut 27. maj
1997-imeersumut tapiliussaq 2023-meersoq**

Oqaluuserisassat

**Savalimmiut Kalaallit Nunaatalu akornanni aalisarneq pillugu 2023-mut isumaqatigiissutissamut
isumaqatigiinniarnermi oqaluuserisassat**

Savalimmiormiut Sinniisoqarfiat

Strandgade 91, 4. Sal, 1401 København K

29.-30. November 2022

1. Ataatsimiinnerup ammarneqarnera allaqqaasiutillu
2. Oqaluuserisassat akuersissutigineqarnerat
3. 2022-mi aalisarnerit pisallu pillugit kisitsisit tullerriiaarneqarnerat
4. 2023-mut ilisimatuussutsikkut siunnersuutit tullerriiaarneqarnerat
5. Naleqqussaanermut nakkutilliinermullu suleqatigiinneq
6. Nunat immikkoortuini aalisartut kattuffiisa suleqateqatigineqarnerat
7. Aalisarnermut maleruagassat nutaat pillugit paasissutissat
8. 2023-mut pisassiissutinik paarlaasseqatigiinneq
9. Tamalaat
10. Ataatsimiinnerup naammassinera

Ilanngussaq 2 Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissummut 27. maj 1997-imeersumut tapiliusseq 2023-meersaq

Peqataasut:

Savalimmiunit allartitat	
Andras Kristiansen	Aalisarnermut ministeriaqarfik, aallartitani aqutsisoq
Janet S. Nørregaard	Aalisarnermut ministeriaqarfik
Meinhard Gaardlykke	Savalimmiuni aalisarnermik nakkutilliisoqarfik
Ninna Vatnhamar	Savalimmiut Københavni Sinniisoqarfiat
Lisa í Dali	Savalimmiut Københavni Sinniisoqarfiat
Stefan í Skorini	Savalimmiuni umiarsuaatileqatigiit peqatigiiffiat
Hanus Hansen	Savalimmiuni umiarsuaatileqatigiit peqatigiiffiat
Kaj Johannessen	Savalimmiuni umiarsuaatileqatigiit peqatigiiffiat
Jógvan Jespersen	Savalimmiuni umiarsuaatileqatigiit peqatigiiffiat
Hálvdan Gudmundsen	Savalimmiuni umiarsuaatileqatigiit peqatigiiffiat
Tummas Henriksen	Savalimmiuni umiarsuaatileqatigiit peqatigiiffiat
Jóhan Joensen	Savalimmiuni umiarsuaatileqatigiit peqatigiiffiat

Kalaallit Nunaannit aallartitat	
Katrine Kærgaard	Aalisarnermut, Piniarnermullu Naalakkersuisoqarfik, aallartitani aqutsisoq
Hilmar Ogmundsson	Aningaasaqarnermut Naligiissitaanermullu Naalakkersuisoqarfik
AnnDorte Burmeister	Pinngortitaleriffimmit
Gerth Kristian Kristiansen	Kalaallit Nunaanni Aalisarsinnaanermut Akuersissutininik Nakkutilliisoqarfimmit
Jens Lykke Borch	Kalaallit Nunaanni Aalisarsinnaanermut Akuersissutininik Nakkutilliisoqarfimmit
Bent Sørensen	Kalaallit Nunaanni Sulisitsisut (Kattuffik)
Andrias Olsen	Inuussutissarsiortut sinniisuat
Jonas Engilbertsson	Inuussutissarsiortut sinniisuat
Henrik Krogh	Inuussutissarsiortut sinniisuat
Frans Heilmann	Inuussutissarsiortut sinniisuat

Ilanngussaq 3 Savalimmiut Naalakkersuisuisa aamma Kalaallit Nunaanni Namminersorlutik Oqartussat akornanni aalisarneq pillugu isumaqatigiissummut 27. maj 1997-imeersumut tapiliussaq 2021-meersoq

Kitaani qaleralinniarnermut piumasagaatit

Aalisarnermi misiligutunik tiguisarnissaq piumasagataavoq. Sapaatip akunneranut marloriarluni qalerallit 150-it uuttorneqartassapput.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Rasmus Nygaard imaluunniit qarasaasiatigut uunga rany@natur.gl

Tunumi Kitaatalu kujataani saarullinniarnermut piumasagaatit

Aalisarnermi misiligutunik tiguisarnissaq piumasagataavoq. Sapaatip akunneranut marloriarluni qalerallit 150-it uuttorneqartassapput tassungalu atatillugu, sissiat 20-it tiguneqassapput, takissuseq, oqimaassuseq suaassuserlu ilanngullugit.

Paasissutissat Pinngortitaleriffimmut nassiunneqassapput, Postboks 570, 3900 Nuuk, Grønland, Uunga Anja Retzel, imaluunniit qarasaasiatigut uunga anre@natur.gl

Aqutsiveqarfinni Kitaata kujataani aamma Tunup kujataani aalisartoqaqqusaavoq. Kleine Bankep eqqaani 1. martsimiit 31. majimut piffissami suffiffiusumi aalisarneq matoqqassaaq.

Takussutissiaq: Kalaallit Nunaata Kitaata kujataani Tunumilu saarullinnik aqutsinissamut pilersaarut naapertorlugu aqutsiveqarfiit

